

FYRE  
SAFÉTIE  
BEN YER  
HOOSE



GUERD YER HOOSE FRAE BLEEZES



Northern Ireland  
Fire & Rescue Service



# FYRE SAFÉTIE THA MAUN-DAES

Owre thrang furtae gie thocht til fyre safétie? Spier o oniebodie 'at haes kent o a bleeze in thair hoose wud fyre safétie be tynin thair time an the'll contèr than aa oot.

## HOUL YER HOOSE AN FEMLIE SICCAR FRAE BLEEZES

Hae a raed o this blaud furtae pit yersel in mine o tha bak an forrits o fyre safétie.



## THA RICHT WYE O'T PIT-AFFS IS THA EN O FOWK

Oan 21 Ageest, tha hoose o tha Graham femlie gaed alone, an thaim sleepin. Anne and Michael Graham wun oot leevin. Waes me, thair twa weans, Amy (thrie yeir auld) an Josh (five yeir auld) daednae dae sae weel. Tha Graham femlie haed stellit reek scraighers oan tha laigh an tap lannins; the' daednae pruive tha battèries, but.



HAE YE SHORT-SYNE  
PRUIVED YER REEK  
SCRAIGHER BATTÈRIES?


## REEK SCRAIGHERS

A reek scraigher's a weirdin yoke 'at  
snokes oot reek at tha fore-en o a bleeze.  
This gies ye tha necessar wheen mair  
mînits furtae wun oot.

- Tha chairege fur reek scraighers bes as laigh as 5 pun, an ye'll can hae thaim frae supermercats ur shaps doon tha toon.
- Gin ye'r leukkin a reek scraigher, gie thocht til haein a 10 yeir scraigher 'at, the mair it micht be mair o an ootlay in tha owerigate o't, ye wunnae be tae be cheyngin tha battèrie ivver an aye.
- Ye'll can get reek scraighers graithed wi a 'wheesht button', tha wye ye'll can lown tha scraigher gin it gaes aff in a mistak.
- Aye pruive tha battèries yinst ilka aidays.



**IT BES A MAUN-DAE  
TAE PRUIVE YER  
REEK SCRAIGHERS.**



ILKA AIDAYS PRUIVE  
YER BATTÈRIE

TWICET ILKA  
TWALMOND SOOK OOT  
THA STOOR INBY

ILKA TWALMOND CHEYNGE  
THA BATTÈRIE GIN IT'S NO  
A 10 YEIR SCRAIGHER

ILKA 10 YEIR REDD IT  
OOT FUR A NEW YIN

# FYRE SAFÉTIE SCULLERIE

- Houl lectrice towes an gear 'at's aisie set alowe, tha like o dryin claihs, ovven mïtts an lowse claes, awa frae tha cuiker an toastèr.
- Hae tha ovven, toastèr, hab an brandèr weel dichtit. A kell o crummels, pan rendèrin an creash wud gang alowe gye an aisie.
- Houl lectrice towes an yokes weel oot tha roád o wattèr.
- Wud ye no thïnk o haein a bleeze happen ben tha scullerie? Ye wud hae't tae lap roon a bodie whase claes haes gaed alowe ur tae smoor a smaa bleeze.
- Gin ye deep-fry mate, clap it dry afore ye pit it in tha het ile. Gin tha ile stairts tae gie aff a reek, thraw aff tha hate an lea tha pat tae get coul.
- Dinnae ivver pit mair nor a thurd o a fu o ile in chïp pans.
- Dinnae uise lunts ur lichtërs furtae licht gas cuikers. Yokes 'at maks a gleed wud be mair siccar.
- Mak siccar tha hannles o pats daesnae hing oot frae tha hab.



DINNAE LEA YER CUIKIN WI NAEBODY  
LEUKKIN EFTÈR IT. A BLEEZE STAIRTS  
WHANIVER YER TENTIN'S TINT.

## WHUT DAE A DAE GIN A PAT GAES ALOWE?

- Dinnae chance oniethin.
- Throw aff tha haet gin it's siccar tae dae't. Dinnae shift tha pat.
- Dinnae ivver jap wattèr owre tha pat.
- Git aabodie oot o yer hoose an caa tha Fyre an Relievin Bigade.



## GIN THAR'S A BLEEZE

**GAE  
OOTBY,  
STEY  
OOTBY  
AN CAA:**

**999**






DINNAE CHANCE ONIETHIN. THAR'S NAE SICCANA THÏNG AS A SICCAR BLEEZE. YE'D LIEFER GUERD AGIN A BLEEZE NOR FECHT IT.

FECHTIN A BLEEZE BES A DARG MAIR SUITIT TIL THA FYRE BIGADE.

# FYRE SAFÉTIE LECTRICS

## DOSSILS AN TOWES


- Leuk oot tha heichest amps 'at tha fuse in tha dossil's fit tae hannie.
- Gin ye maun uise an adaptèr, uise yin wi a fuse an haud tha hale tot o tha ootpit til nae mair nor 13 amps. Tak tent! A sing'l kettle uises 13 amps its lane.
- Dinnae pit towes inunnèr cairpets ur mats.
- Leuk oot fur onie mints o lowse wyrin ur failed dossils ur hoozles, tha like o mairks o scowdèrin ur flîcherin lichts.
- Redd oot onie forfairn ur tape-lapt towes an wyres.
- Dinnae overlaid hoozles – uise yin dossil in ilka hoozle.



TAK OOT LECTRIC  
DOSSILS GIN YE'R NO  
UISIN THAIM.

## LECTRIC HAPPINS

- Dinnae lea happins lapt. Pit thaim by flet ur rowlt up furtae hain tha wyrin inby.
- Tha yin time ye'll can lea happins swutched oan aa nicht wud be gin the' hae haet-thirlt owerance fur aa-nicht uise. Ense, tak oot tha dossil afore ye gang tae yer bed.



## KERRIED HAETERS

- Aye set haetërs tha wye the' hae thair hinnèr parts agin a waa, face-wyse til tha ruim. Gin ye'll can dae't ava, steek thaim til tha waa furtae houl thaim frae coupin.
- Dinnae stell haetërs nixt hingins ur plenishin an dinnae ivver uise thaim fur haiserin claes.



## LICHTS

- Dinnae stell lichts an licht bulbs nixt hingins an ither clraith.



# FYRE SAFÉTIE CIGARETTES

A brave wheen o daiths owre tha heid o bleezes in Norlin Airlan bes tha faut o tentless reddin o reekin gear.

- Tak mair tent reekin gin ye'r deedlin owre, takkin doctèr's drogs ur gin ye hae bin bebblin. It's owre aisie tae faa owre an no tak tent 'at a cigarette haes a gleed o licht in it yit.
- Dinnae hae a draa in yer bed. It's owre aisie tae faa owre an set tha bed happins alone.
- Aye uise richt eshtrays.
- Mak siccar whan ye pit oot a doup, it's oot in troth.
- Leuk eftèr weans an haud lunts an lichtèrs oot o arm's lenth.



IT'S MAIR HET NOR YE JUBE OAN  
– CIGARETTES CUD BE ALOWE AT  
TEMPAIATURES O MAIR NOR 700°.

# FYRE SAFÉTIE CAUNNLES

Leuk eftèr lichtit caunnles tha wye ye wud onie ither lowe.

- Dinnae lea thaim wi naebodie aboot.
- Smoor thaim aathegither at nicht.
- Houl caunnles awa frae oniethin ap tae gae allowe, tha like o plenishin, clraith, hingins an that.
- Caunnles an tealichts can saften plastic scruijs tha like o taps o tellyveesions an baths. Mak siccar ye aye pit thaim oan a scruij 'at fens agin haet.



**IT TAKS NAE MAIR NOR A  
TENTLESS MINIT FUR A  
BLEEZE TAE STAIRT – HOUL  
CAUNNLES OOT O AIRM'S  
LENTH O WEANS AN PETS.**

# FYRE SAFÉTIE GRAITH YERSEL

## ETTLE FOREHANNIT

- Mak siccarr aa yer femlie kens whut tae dae in a bleeze an whut wye tae wun oot siccarrlie.
- Gie thocht til whut róads ye cud wun oot redd yer ootgangs.
- Hae yer dorr an wundae checks nixt yer han.
- Steek aa dorrs. Wi steekin tha dorrs ye'll can houl yer róad oot redd o onie bleeze. This wud be o muckle wecht maist o aa in hooses whar ye cudnae wun oot frae a wundae, tha like o gin ye leeve in a heich hoose (3 storeys an mair) ur a multi-storey flat.

## WHUT TAE DAE GIN A BLEEZE STAIRTS

- Gin thar's reek, coorie doon laigh whar tha air's mair shire.
- Ettle at keepin a calm sough. Get aabodie ootby richt an gleg – dinnae tyne yer time spierin intil oniethin ur relievin oniethin o muckle warth.

## GIN YER CLAES GAES ALOWE...

- Dinnae rin aboot.
- Lay yersel doon an rowl aboot.
- Smoor tha bleeze wi wechtie clraith, tha like o a cóat, happen ur fyre happen gin thar's yin narhan.



## GIN YER RÓADS OOT IS STAPPIT...

- Gin ye cannae open a wundae – rive tha glass sindèrie in a neuk at tha fit o't. Mak tha pikie pairs siccar wi a han-claith ur happen.



- Gin ye'r oan tha grun ur furst flair gae oot a wundae. Uise bed-happins furtae tak tha skaith o yer faa an laigh yersel doon. Dinnae lowp!



- Gin ye cannae wun oot, pit aabodie in tha yin



ruim, yin wi a wundae an a phoáne afore others. Pit bed happins roon tha dorr furtae stап tha reek an caa 999.

- Gin ye'll can wun oot, caa 999 tha mіnit ye'r weel ootby tha biggin. Uise a poaket-phóane ur yin belangan til yer nibor.



DINNAE GAE BAK BEN  
THA HOOSE NAE METTÈR  
FURWHY. STEY OOTBY  
FUR THA FYRE AN  
RELIEVIN BIGADE.

## NORLIN AIRLAN FYRE AN RELIEVIN BIGADE

---

Heid Oaffys  
1 Seymour Raa  
Lisburn  
BT27 4SX

Langbl'r. 028 9266 4221  
I-póast. [enquiries@nifrs.org](mailto:enquiries@nifrs.org)  
[www.nifrs.org](http://www.nifrs.org)



**Northern Ireland**  
**Fire & Rescue Service**

